

Das Erste Buch

Harn in den andern thun/ vnnnd in jeden Nasen ein wenig Weizen
Kleynen legen/ vnd bis an den 9. Tag verwart stehen lassen/ vnd wen
der mangel am Manne ist/ so findest du etliche Würmer in seinem
Nasen/ & cacabus debet supra poni, & invenitur rana foetida
vel cantabra foetida. So aber der mangel am Weibe ist/ so findet
man in ihrem Nasen ihr Menstruum.

Item/ Christoph. V Viri. schreibt in seinem Arzneybuche
part. 3. cap. 3. fol. 260. Nim beyder Harn/ vnd sprengte es auff ein
Lattichblat/ welches am schnellsten trucknet/ an dem ist der man-
gel.

Item/ nim 5. Weizenkörner/ 7. Gestenkörner/ 7. Bonen/
vnd thue es in ein irden Geschirz/ vnd Harn drauff/ laß 7. Tage ste-
hen/ wen sie anfahen zu keimen/ so ist es fruchtbar/ wo sie aber faulen/
vnfruchtbar.

Item/ es schreibt Plinius, daß das ein Zeichen sey der fruchtbar-
keit/ wenn die Augenwinkel mit der Salbe von Saffran gesalbet
werden/ vnd der Spenzel darnach schmacket/ denn die Augen vnd
Gehirn haben mit den spermaticis poris eine grosse Gleichheit.
Wie hiervon Mizaldus fol. 121. memor. bezeuget. Daher ge-
schichts auch/ daß die jenigen/ so zu viel mit den Weibern zu schaffen
haben/ gemeiniglich blöde Gesicht/ oder dunkel Augen haben.

Oder binde einen abgeschelerten vnnnd gereinigten Knobloch so
zahn an einen starcken Faden/ dem Weibe an den Schenckel/ damit
man ihn wider gewinnen kan/ vnnnd stecke ihr ihn in die Beermutter/
wenn er des folgenden Tages dem Weibe auß dem Munde reuche/
vnd schmacket/ so ist sie tüglichen zu gebahren/ wie Hippocrates be-
zeuget. Desgleichen kan mans auch erfahren/ wenn du Galba-
num in Taffend bindest/ vnnnd vber Nacht inn dem Gemäch des
Weibes bleiben läß/ vnd dem Weibe den Kopff/ welcher zuvor saub-
ber/